

山西巡撫蔡雲怡先生殉難始末傳

附晉帥周遇吉

蔡先生諱懋德南直之崑山人起家進士其歷仕中外及年譜行狀具載家乘國史中蔡不贅及

先帝之十五年壬午晉中遭逆賊王綱變後遺孽負山而穴先時東兵躡入定襄路破崞縣前撫臣戴紫宸先生以失守論戍朝廷以三閩為神京右臂甚重撫臣之選廷議以公清介有重名計一時無出右者議上制帑可公于是歲之春二月蒞太原治慶國奉公勞瘁備至其為治大率周詳鎮密不憚躬親細瑣而待僚吏則務持大體不事苛刻晉人歌之有蔡翁治國如我翁治家之謠尤

以獎拔人才為首務屬吏有一長可錄者極力更調務求其入地
相宜俾得盡所長迨後用果稱職故時咸服公蒸鑑之明而銓部
以其侵權頗忌之。沿晉凡二年東行清兵于固關正馬未來飲河
凡五臺交山諸寇熾蕩殆盡晉遂貼然成樂國矣癸未秋秦督孫
傳庭與李自成相待于河南精兵凡十餘萬三戰三北自成遂入
潼關而三秦瓦解秦晉相距止一河別無山峪險由河保迄蒲
二千五百餘里處處可一苇渡也。自公蒞晉承平日久而晉中名
將如猛似虎虎大威等皆被調戰歿于豫。公所統者止鈴閣下護
印之一旅僅數千人也。八月朔報賊騎分三路將渡河上流則從

樓煩取寧武。中道由延綏趨汾晉。下流則由蒲坂趨平陽。控弦之騎號五十萬。公自五月內已告疾杜門。

旨適留中未發。公聞報即力疾拜疏。其大畧云。先輔貽危。寇勢披猖。已極萬難。盡界自保。今日之失。正在賊聚而攻。我散而守。是以處處魚堅城也。請發禁兵。發火營。調寧鎮宣鎮及大同撫臣雲中督臣與臣合兵。必能大振軍聲。尚可背關一戰。以挫狂鋒。否則幾輔以西恐成破竹之勢。疏上。公即日率兵馳河上。以待各鎮之師。九月內。公方經營河干。時廟堂之上有議者。以晉事方急。公係儒者。恐非勦亂才。部臣可其奏。而公遂有解任聽勘之旨矣。

詔以郭公代公撫三晉。郭亦知事不可為。逡巡不赴任。公在河。即檄請寧武帥臣周遇吉防保德。且約以札曰。僕素悉公忠義。鼠竊偷生。公必不為。但拒河。恐力不支。倘天不佑國。即使逆賊長驅北。上願與公約。公死守寧武。以扼其北。吾死守太原。以障其東。賊畏吾二鎮。躡其後。或尚可牽制之。俟畿甸援師大集。此睢陽之烈也。遇吉慨然許之。既而公前疏下部議。亦奉俞旨。而在河上各鎮之兵。竟無一人至者。晉藩以平陽告急。羽檄一日數十至。請公回保太原。是時沿河各州縣。連往不俟賊渡河。先責表印以降。而危急之際。更易師帥。公以解任之官。呼應愈不靈矣。十一月。公至次太

原叛將陳上智以平陽降賊。兗聞法。洵中軍守備盛。應時言于公曰。憲臺業已有解任之旨。何為尚視事。且出境候代。此舊例也。公知其意。即毅然曰。吾平日於生死之故頗了。但恐不得死所耳。此何等時。安危呼吸。忍輕去自便。而以解任藉口乎。縱新院至。亦與之同死封疆耳。十二月。公復秣馬厲兵。將馳救平陽。諸將難之。公諭之曰。吾亦明知力不支。但不救平陽。則賊長驅無險可守。吾總辦一死報國。死于城頭。不如死于陣前。之為烈也。俄而晉藩及諸司士民共擁馬首。不能前。且泣曰。省城根本重地。且向與周將軍二鎮躡後之約。公豈忘之乎。公領之。始集官吏士民于閤夫子

廟。揮血設盟為城守計。初賊自入閩后。申號令九州。邑迎降者秋
 毫無犯。攻破者屠之。由是人心大震。望風送款。大原士民亦知魚
 外援城不可守。而威公息且激于公之忠義。皆號泣願同死。盟廟
 之日。哭聲震野。行路悲愴。迄于城破。無一人叛者。十七年正月二
 十五日。賊遊騎已有至郊者。時平陽一帶城邑之降賊者。官胥士
 庶。僉合聲頌公清惠。李自成聞之。先遣使持偽牌至城下。召諭公
 且頌公美。具道自成將大用公之意。公即日登埧。碎其牌。斬其來
 使。仍裊首堞樓。時是城中惴惴。而守始堅。廿六日。賊圍城四郊。議
 附蜂屯。一望無際。公極力捍禦。矢石火炮殺賊數千人。賊為之少

却二月朔五日李自成具鹵簿儀仗親臨城下督攻益力初七日
城中忽晝晦大風拔樹屋瓦皆飛徹日夜風不歇先是城上東南
有堞樓內貯火藥數十籠及火箭火礮灰瓶木石之類以備用初
八日五鼓有管卒于堞樓之堞燃炮擊賊俄被大風捲火入樓藥
發焚樓轟震之聲動天地四面守堞兵望見城樓火發皆以為賊
已登城矣聞然潰散賊乘之城遂陷城中鼎沸中軍盛應時請公
上馬巷戰授公劍應時擐甲持矛率兵衝突實欲衛公出城也公
馬上望見城門乃大呼曰吾封疆之臣應死封疆今爾誘吾出城
逃死是欲陷吾于不忠耶遂下馬不出城應時笑圍而出回顧不

見公復斬關入城。凡手刃數十人。賊辟易無敢當者。俄而遇公于
衢中。仗劍立。應時乃棄馬扶公行路。經應時家。拔劍謂其家人曰。
吾義不負蔡公。手刃其妻及十四歲子。而後隨公至衙之後圃。樹
木森列。聽事外乃三立祠也。公曰。吾大臣義不受賊辱。此一塊乾
淨土可以死矣。乃從容東向再拜。懷其符印。自縊于樹。以身輕不
死。應時乃卸批衣鉄鎧披公之身。氣遂絕。應時仍再拜于尸前。亦
于左次一樹上自縊死。時隨行有門皂斯養亦皆慟哭自縊者凡
廿餘人。樹木間尸累累。相望也。至次日賊方禁焚殺。因遍索文武
官吏拘縛而至。惟方伯趙建極罵不跪。乃凌剝之。其餘不論職之

大小胥輒于晉藩之端理門死者凡四十六人城中屠戮甚慘賊
首索公不得有告以三立祠之事者自成最恨公驗其已死仍戮
公屍以號令焉泊公死後賊之從保德渡者圍寧武城凡廿日力
盡城陷帥臣周遇吉死之踐公約也遇吉本蒙古人驍勇善戰累
官至大將軍城破日擐甲運矛策馬入中堅手刃巨賊千餘人矢
散甲如蝟毛身中數十鎗而死其妻亦亦蒙古人家僮百人皆
其族類亦縱火先焚其舍跨馬彎弓率其家僮巷戰從辰至未所
傷近千人次絕然後赴火死家僮迄死無一人降者賊恨之遂屠
寧武城凡瘞僵尸廿餘萬人云賊自渡河入晉後所在皆望風送

歎須攻而被者太原寧武兩城而已。公死後，賊長驅入三關，凡經過大州巨鎮如雲朔、真保、紫關、居庸、昌平、遵、薊等百十餘城，皆係迎降，直入燕京，再無受攻之城矣。晉人收公屍瘞于太原之東岡，丙戌春，公子方炳從里門赴晉，扶櫬還鄉。晉人醵金贈賻，垂涕以送。樞者猶數千人，弘光中，賜諡忠襄。朱之俊曰：予嘗讀公賊聚而攻我，散而守之，疏未嘗不三復而嘆也。其所請各鎮合兵說與宋汪立信沿江三策，千古如出一轍，乃立信卒以膽賊見誚于似道，公終以儒者被彈于臺省，而其時勢之倉惶掣肘廟堂之措置乖方，以及兩人之仗義死難，又一一相彷彿焉。公之堅守二城以

報國恩固其素志而二城因之受禍最慘宜其怨公深乃迄今二
城之父老子弟每談及公輒垂涕豈非公德之感人深而天理民
彝之在人心者固有一日不容漸滅者哉往見公子方輝作公殉
難述畧總之以公先一日自縊死為辨其意蓋以不如次日顯受
賊戮為烈也余大不然其說夫等一死耳彼次日受賊戮之四十
六人中惟趙方伯罵賊不屈堪與公列其餘則賊一槩殺之保其
中豈無永生無路者乎公獨不受賊辱先期就殞光明決烈生氣
凜然則公之死節蓋昭々乎揭日月而行也

廣德縣公之德蓋斯：子郎日自何處

中道無公之德蓋斯：子郎日自何處

六人中郎郎方所覆願不無斯與不無其後何願一願公之德

願公之德：子郎日自何處

願公之德：子郎日自何處

願公之德：子郎日自何處

願公之德：子郎日自何處

願公之德：子郎日自何處

明季殉節諸臣擬謚忠烈清冊

長樂縣志
卷之四
諸將

明季殉節擬謚忠烈諸臣姓名事畧清冊

薊遼總兵官杜松崑山人右都督桐之弟奮勇敢戰

歷著邊功萬歷四十七年與

大兵戰於薩爾滸歿於陣

遼東總兵官都督僉事馬林蔚州人

大兵至開原力戰死子燃燭俱死之

遊擊喬一琦上海人監朝鮮軍與劉綎並禦

大兵軍敗投崖死

遼東總兵官張承蔭榆林衛人都督臣子積有邊功

萬歷四十六年

大兵拔撫順承廕赴援力戰死

瀋陽總兵官都督僉事賀世賢榆林衛人勇敢善戰

天啟元年

大兵薄瀋陽戰敗中矢死

援遼總兵官楊仲業籍貫未詳

大兵破遼陽父子戰死

西平副總兵羅一貫甘州衛人

大兵攻城悉力拒守力竭自刎死

山海總兵官左都督趙率教陝西人崇禎元年

大兵由大安口南下率教馳援戰遵化中流矢死

協理京營戎政兵部侍郎劉之綸宜賓人由庶吉士

擢侍郎協理京營戎政崇禎二年

大兵自永平趨三屯營之綸發礮炸軍亂嚴鼓力戰流

矢四集死於陣

鎮守東江總兵官都督僉事黃龍遼東人崇禎六年

大兵破旅順力戰不勝自刎死

江西道御史巡視山海居庸二關王肇坤蘭溪人崇

禎九年

大兵入喜峯口退保昌平被圍身被數刃而死

戶部主事王一桂黃岡人督餉昌平分守南城城破